

Na osnovu člana 17 stav (2) Zakona o javnim nabavkama ("Sl. glasnik BiH", broj 39/14, 59/22 i 50/24), člana 70. Zakona o organizaciji uprave u Federaciji Bosne i Hercegovine («Službene novine F BiH», broj 35/05), člana 15. Zakona o principima lokalne samouprave («Službene novine Federacije BiH», broj: 49/06), člana 12. Odluke o izvršavanju Budžeta Općine Kladanj za 2025 godinu („Službeni glasnik Općine Kladanj“, broj 8/24) i člana 40. i 124. Statuta Općine Kladanj («Službeni glasnik Općine Kladanj», broj: 9/11), Općinski Načelnik, d o n o s i

## **PLAN JAVNIH NABAVKI Općine Kladanj za 2025 godinu**

### Član 1.

Planom javnih nabavki Općine Kladanj za 2025 godinu (u daljem tekstu: -Plan javnih nabavki) utvrđuje se obaveza i način u provođenju postupaka javnih nabavki u Općini Kladanj u skladu sa Zakonom o javnim nabavkama Bosne i Hercegovine ("Sl. glasnik BiH", broj 39/14, 59/22 i 50/24).

### Član 2.

Plan javnih nabavki je sačinjen u skladu sa Budžetom Općine Kladanj za 2025. godinu („Službeni glasnik Općine Kladanj“, broj 8/24).

### Član 3.

Ovim planom nisu obuhvaćene nabavke koje su predviđene Budžetom Općine Kladanj za 2025. godinu, a koje su shodno članu 10, 10a, 10b, 10c, 10d, 10e i 10f, Zakonom o javnim nabavkama izuzete od primjene ovog zakona ili se Zakon o javnim nabavkama na njih ne primjenjuje.

### Član 4.

Plan javnih nabavki sadrži tabelarni prikaz sa sljedećim podacima:

- a) naziv predmeta javne nabavke;
- b) brojčana oznaka i naziv predmeta nabavke iz JRJN;
- c) vrsta postupka;
- d) da li se predmet dijeli na lotove;
- e) vrsta ugovora;
- f) da li će biti zaključen ugovor o javnoj nabavci ili okvirni sporazum;
- g) period trajanja ugovora o javnoj nabavci ili okvirnog sporazuma;
- h) procijenjena vrijednost nabavke;
- i) okvirni datum pokretanja postupka nabavke;
- j) izvor finansiranja (Budžet općine Kladanj (BOK) za 2025 godinu i drugi izvori);
- k) podatak za koju godinu se plan donosi;
- l) dodatne napomene (Organizacioni kod -nadležna služba koja pokreće zahtjev za nabavku sa potrebnom specifikacijom).

### Član 5.

Obrasci zahtjeva/prijedloga za nabavku: „JN-Zahtjev - Obrazac broj 1“, „JN-Zahtjev - Obrazac broj 2“ i Obrazac za praćenje provedbe ugovora/okvirnog sporazuma Anex II su sastavni dio ovog Plana javnih nabavki.

### Član 6.

Zahtjev/Prijedlog za javnu nabavku podnosi nadležna općinska služba Službi za budžet, finansije i poduzetništvo u rokovima predviđenim u tabelarnom dijelu Plana javnih nabavki. Ovlaštena osoba za praćenje izvršavanja budžeta u Službi za budžet, finansije i poduzetništvo ocjenjuje /provjerava da li je zahtjev u skladu sa Planom javnih nabavki, odobrava zahtjev za nabavku te isti dostavlja osobi/odjelu za nabave.

Po realizaciji ugovora/okvirnog sporazuma nadležna općinska služba dostavlja popunjen, potpisan i ovjeren Obrazac za praćenje provedbe ugovora/okvirnog sporazuma Anex II Službi za budžet, finansije i poduzetništvo, kako bi se na osnovu istog elementi o realizaciji ugovora/okvirnog sporazuma objavili na portalu javnih nabavki.

Član 7.

- (1) Ugovorni organ može započeti postupak javne nabavke ako je nabavka predviđena u planu nabavki.
- (2) Izuzetno od stava (1) ovog člana za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki.
- (3) Posebna odluka o pokretanju postupka javne nabavke iz stava (2) ovog člana sadrži podatke iz člana 4. ovog plana.

Član 8.

- (1) Ugovorni organ objavljuje plan nabavki na portalu javnih nabavki, i to najkasnije u roku od 30 dana od dana usvajanja budžeta, odnosno finansijskog plana ili drugog dokumenta kojim se odobravaju sredstva za nabavke, u formi i na način kako je definisano u sistemu „e-Nabavke“.
- (2) Ugovorni organ objavljuje sve izmjene i dopune plana javnih nabavki na portalu javnih nabavki.

Član 9.

Ovaj Plan javnih nabavki stupa na snagu danom objavljivanja na portalu javnih nabavki, a objavit će se i na internetskoj stranici [www.kladanj.ba](http://www.kladanj.ba).

OPĆINA KLADANJ  
OPĆINSKI NAČELNIK  
Broj: 02-11-132/25  
Datum; 20.01.2025. godine

**OPĆINSKI NAČELNIK**  
**Edis Šarić dipl.ecc.**